

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-10889/18  
Sarajevo, 07.06.2018.godine

Na temelju člana 24. stav (1) tačka a) i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, a na preporuku Komisije za javnu nabavku radova, Općinski načelnik d o n o s i:

## **ODLUKU**

### **o dodjeli ugovora i odabiru najpovoljnijeg ponuđača**

**I Prihvata se preporuka Komisije i ugovor u predmetu „Izvođenje dodatnih radova na rekonstrukciji korita rijeke Miljacke od P1-P7 sa rekonstrukcijom obalnih zidova mosta po osnovnom ugovoru br. 02/12-23-17369/17 od 23.10.2017.godine“, dodjeljuje se ponuđaču HP INVESTING doo Mostar sa iznosom konačne ponude 42.627,78 KM sa uračunatim PDV-om.**

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda, zapisnik o pregovaranju i Zapisnik o radu Komisije sa preporukom za dodjelu ugovora u spisu.

III Zadužuje se Služba za zajedničke poslove, da obavijesti učesnika pregovaračkog postupka o prihvatanju ponude, a u skladu sa datim izvještajem o radu Komisije i preporukom za dodjelu ugovora, te nakon isteka žalbenog roka pripremi prijedlog ugovora i u predviđenom zakonskom roku dostavi odabranom ponuđaču na potpis.

IV Konstatuje se da je ponuđač iz stava I ove Odluke u svojoj ponudi dostavio dokumente navedene u članu 45. stav 2. tačka od a) do d), ne starije od tri mjeseca računajući od momenta dostavljanja ponude, te se oslobađa naknadnog dostavljanja istih.

### ***Obrazloženje***

Uvidom u dostavljeni izvještaj o radu Komisije i preporuku za dodjelu ugovora konstatovano je sledeće: Tokom realizacije Ugovora broj 02/12-23-17369/17 od 23.10.2017.godine o izvođenju radova na regulaciji korita rijeke Miljacke od P1-P7 sa rekonstrukcijom obalnih zidova mosta, ukazala se opravdana potreba za izvođenjem dodatnih radova.

Opravdanost provođenja pregovaračkog postupka potvrđena je aktom Službe za investicije i komunalne poslove br. 02/08-23-21684/17 od 08.05.2018.godine i obrazloženja stručno-tehničkog nadzora br. 55-04/18 od 25.04.2018.godine. Navedenim aktima konstatovana je opravdanost izvođenja dodatnih radova, koji su tehnički opravdani, kao i uslov za okončanje projekta iz Osnovnog ugovora.

U vezi sa tim, Služba za investicije i komunalne poslove obratila se sa Zahtjevom za odobravanje nabavke, nakon čega Služba za zajedničke poslove upućuje Zahtjev za pokretanje postupka javne nabavke broj 02/12-sl od 16.05.2018.godine Općinskom načelniku.

Postupajući po gore navedenim zahtjevima, a u skladu sa članom 18. stav 1) Zakona o javnim nabavkama („Službeni glasnik BiH broj 39/14“) Općinski načelnik donio je Odluku o pokretanju postupka javne nabavke za „Izvođenje dodatnih radova na rekonstrukciji korita rijeke Miljacke od P1-P7 sa rekonstrukcijom obalnih zidova mosta po osnovnom ugovoru br. 02/12-23-17369/17 od 23.10.2017.godine“,

za pregovaranje. Komisija konstatuje da ponuđena cijena za ugovor u inicijalnoj ponudi iznosi 42.627,62 KM sa uračunatim PDV-om, dok su ostali elementi ponude - rok izvođenja radova 30 dana računajući od dana potpisivanja ugovora, garantni rok za izvedene radove 2 godine računajući od dana primopredaje radova i način plaćanja bez avansa, nakon primopredaje radova u zakonskom roku. Zapisnik o otvaranju dostavljen ponuđaču na fax.

U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ponuđačem o istom. Po provedenim pregovorima, konstatuje se da ponuđač ostaje pri ponuđenoj cijeni datoj u inicijalnoj ponudi.

Komisija je izvršila računsku kontrolu dostavljene inicijalne ponude, te je utvrdila slijedeće:

Vršeći analizu ponude u predmetu – “Izvođenje dodatnih radova na rekonstrukciji korita rijeke Miljacke od P1/P7 sa rekonstrukcijom obalnih zidova mosta po osnovnom ugovoru br.02/12/23/17369/17 od 23.10.2017.godine”, konstatovana je slijedeća računska greška:

- Na stranici 61 ponude:

- “22. nabavka i ugradnja pijeska u posteljicu ispod cijevi debljine 10 cm.....” stoji 36,15 35,00 1.265,11, a treba da stoji 36,15 35,00 1.265,25.

- “SVEGA ODVODNJAVANJE” stoji 7.704,91, a treba da stoji 7.705,05

“REKAPITULACIJA; odvodnjavanje stoji 7.704,91, a treba da stoji 7.705,05

Gore navedena računska greška, uticala je na ukupnu vrijednost ponude, tako da ukupna vrijednost ponude sa PDV-om, nakon korekcija iznosi **42.627,78 KM**. U skladu sa primjenom Zakona o javnim nabavkama, Komisija je dostavila ponuđaču obavještenje o ispravci uočene računске greške. Aktom br. 782-3/18 od 01.06.2018.godine ponuđač je na istu dao svoju saglasnost.

Daljom analizom ponude, Komisija je ostavila ponuđaču razuman rok da dostavi svoju konačnu ponudu, tako da je dana 05.06.2018.godine, Komisija zaprimila konačnu ponudu u iznosu od 42.627,78 KM sa uračunatim PDV-om. Ponuđač se saglasio sa predloženim osnovnim elementima definisanim u tenderskoj dokumentaciji.

Komisija je izvršila analizu dostavljene konačne ponude i utvrdila da ista u cijelosti ispunjava sve uslove tražene tenderskom dokumentacijom. Računskom kontrolom konstatovano je da je ista i računski ispravna.

Nadzor je izvršio uvid u dostavljenu konačnu ponudu ponuđača i svojim aktom br. 77-06/2018 od 07.06.2018. godine konstatovao da su ponuđene: “..cijene za pozicije radova koje nisu predviđene osnovnim ugovorom u skladu sa tržišnom vrijednosti istih. Obzirom na navedeno ponuda dostavljena od strane Izvođača radova HP Investing doo Mostar je prihvatljiva”.

U toku pregovaračkog postupka postignut je dogovor oko svih uslova ugovora. Iz navedenih razloga, a primjenom člana 64. stava 1) tačka b) Zakona o javnim nabavkama, odlučeno je kao u dispozitivu Odluke.

### **Pouka o pravnom lijeku**

Ponuđač koji je sudjelovao u postupku nadmetanja može radi zaštite svojih prava, u roku od 10 dana od prijema pismene obavijesti (odluke) o izboru najpovoljnijeg ponuđača, izjaviti žalbu ugovornom organu u dovoljnom broju primjeraka.

Obradila  
Enisa Babić, dipl. pravnik

Dostaviti:

1. Ponuđaču
2. Služba za zajedničke poslove
3. A r h i v / u spis

Općinski načelnik  
mr. Semir Efendić

